



17. november 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqput: Nuummi Tuapannguani inissiani nalinginnaasumik attartortittaganngortinneqartussani attartortussanut piumasaqaatit Inatsisit suut tunngavigalugit Naalakkersuisut aalajangersaappat?

(Inatsisartuni ilaasortat Finn Karlsen, Siverth K. Heilmann, Naja Petersen, ATASSUT)

Tunngavilersuut:

Pipallatamik isumaliutigilluagaannngitsumillu Naalakkersuisut ineqarnermut politikkimik ingerlatsinerannut ilisarnaataasut ilagaat Inatsisartut innuttaasullu qulaassuallugit aalajangersaaniartarneq.

Qujanartumilli pipallatat ilaat allanngortinneqarsinnaasimasut takussutissaqartinneqarpoq innuttaasut equeersimaartut pisinnaatitaaffimmillu ilisimaarinnittut 1000-it sinnillit atsiornermikkut maalaaruteqarnerisa kingunerisaanik, matumanii pivarput Nuummi Tuapannguani inissiat piginneqatigilluni inissiatut aaqqissussaasut ilaat 30-it attartorneqarsinnaasunngortinneqartussanngornerat.

29. oktober 2009 Naalakkersuisut tusagassiuititigut nalunaaruteqarput inissiat Tuapannguaniittut 30-it nalinginnaasumik attartugassanngortinneqassasut, tassungali ilanngullugu aamma piumasaqaatit annertuut

qularnanngitsumillu innuttaasunut nalinginnaasumik isertitaqartunut inornarluinnartunngorlugit inissinneqarsimapput, piumasaqaatillu ilaatigut makkupput:

- Attartortussaq ukiuni kingullerni pingasuni Namminersorlutik Oqartussat inissiaataanni akiitsoqarsimassanngilaq.
- Attartornerminut atatillugu maleruagassanik unioqqutitsisoqarsimassanngilaq.
- Qaammatini arfinilinni inigisamut akiliutip nalinganik naafferagassaanngitsumik qularnaveeqqusiiisoqassaaq
- Attartortut inissiaq piginneqatigiilluni inissiaatitut tigusinnaassanngilaa.

Inissiat 30-it initaarniartut 1000-it sinnerlugit amerlassusilinnit piumaneqassaqisut qularutissaanngilaq, taamaattorli pingaartumik naafferarneqarsinnaanngitsumik qaammatit arfinillit nalinginik qularnaveeqqusiiisoqarnissaanik piumasaqaat nalinginnaasumik isertitaqartunik mattussisussaasutut aarleqqutigineqartariaqartoq ATASSUT-mit isumaqarluinnarpugut, taamaammat uku Naalakkersuisunut akeqqullugit saaffiginnissutigaagut:

1. Qanga Naalakkersuisut ataatsimiinnerminni aalajangerpat inissiat 30-it attartortittaganngortinneqassasut?
2. Qanoq iliirluni attartortut 30-it toqqarneqassappat?
3. Kikkut aalajangissavaat attartortut 30-it kikkuussanersut?
4. Inatsisit suut tunngavigalugit qaammatini arfinilinni inigisamut akiliutip nalinganik naafferarneqarsinnaanngitsunillu qularnaveeqqusiiisoqarnissaa aalajangiunneqarpa?
5. Sooq inissiat piginneqatigiilluni inissiaatitut tiguneqarsinnaassanngillat?

Inussiarnersumik inuulluaqqusilluta

ATASSUT sinnerlugu Inatsisartuni ilaasortat